



JAVNO PREDUZEĆE  
“BOSANSKO-PODRINJSKE ŠUME“  
d.o.o. Goražde

ul.Ibrahima Popovića br.17. 73000 Goražde

BROJ: 10-1603/21

DATUM: 10.12.2021.godine

Na osnovu člana 100. stav (3) Zakona o javnim nabavkama („Službeni list BiH“ broj: 39/14), u daljem tekstu ZJN, rješavajući po žalbi FCT d.o.o. Banja Luka, zastupanog po punomoćniku Željku Višiću, advokatu iz Banja Luke, od 03.12.2021.godine, zaprimljena 06.12.2021.godine, izjavljenu na tendersku dokumentaciju broj: 2/22 od 02.12.2021.godine, u otvorenom postupku javne nabavke radova – Izrada i sanacija putnih komunikacija u skladu sa Godišnjim planom gospodarenja za 2022.godinu, za koju je objavljeno Obavještenje o nabavci na portalu javnih nabavki broj: 18-1-3-21-3-8/21 od 02.12.2021.godine, Ugovorni organ donosi:

## O D L U K U

### Član 1.

Usvaja se žalba od strane FCT d.o.o. Banja Luka, od 03.12.2021.godine, zaprimljena dana 06.12.2021.godine, izjavljena na tendersku dokumentaciju, broj: 2/22 od 02.12.2021.godine, u otvorenom postupku javne nabavke radova – Izrada i sanacija putnih komunikacija u skladu sa Godišnjim planom gospodarenja za 2022.godinu, za koju je objavljeno Obavještenje o nabavci na portalu javnih nabavki broj: 18-1-3-21-3-8/21 od 02.12.2021.godine, kao *djelimično osnovana*.

### Član 2.

Ova Odluka je osnov za preduzimanje radnje ispravljanja od strane Ugovornog organa za izmjenu tenderske dokumentacije broj: 2/22 od 02.12.2021.godine.

### Član 3.

Ugovorni organ će o preduzetoj radnji izmjene, obavijestiti sve potencijalne učesnike u postupku, te će ova Odluka biti objavljena na web stranici Ugovornog organa.

### Član 4.

Usvaja se zahtjev žalitelja za nadoknadu troškova žalbenog postupka, koji se sastoje od troškova sastava predmetne žalbe od 03.12.2021.godine, po punomoćniku Željku Višiću, advokatu iz Banja Luke, u iznosu od 658,21 KM, dok se u preostalom dijelu postavljeni zahtjev odbija kao neosnovan.

### Član 5.

Odluka stupa na snagu danom donošenja.

## O b r a z l o ž e n j e

Ugovorni organ je pokrenuo otvoreni postupak javne nabavke radova na izradi i sanaciji putnih komunikacija u skladu sa Godišnjim planom gospodarenja za 2022.godinu, uz objavu Obavještenja o nabavci koje je objavljeno na portalu javnih nabavki dana 02.12.2021.godine, broj: 18-1-3-21-3-8/21. U predmetnom postupku javne nabavke, na tendersku dokumentaciju broj: 2/22 od



Tel:+387 38 221 040;Fax +387 38 222 176  
E-mail: bpkshume@bih.net.ba  
Web : www.sumebpk.com



Oznaka odgovornog  
šumarstva  
FSC® C151475



JAVNO PREDUZEĆE  
“BOSANSKO-PODRINJSKE ŠUME”  
d.o.o. Goražde

ul. Ibrahima Popovića br.17. 73000 Goražde

02.12.2021.godine, od strane FCT d.o.o. Banja Luka, zastupanog po punomoćniku Željku Višiću, advokatu iz Banja Luke, izjavljena je žalba 03.12.2021.godine, zaprimljena 06.12.2021.godine.

Ugovorni organ konstatuje da je žalba blagovremena, dopuštena i izjavljena od strane ovlaštene osobe. U žalbi se navodi:

„Žalbeni navod odnosi se na Prilog 5. – Izjava o ispunjavanju uslova iz člana 47. Zakona o javnoj nabavci i na Prilog 6. – Izjavu o ispunjavanju uslova iz člana 51. Zakona o javnoj nabavci, kojim Izjavama Ugovorni organ zahtjeva ovjere ovih Izjava kod nadležnog organa što je suprotno članu 2. stav 1. i stav 3. Uputstva o izmjenama Uputstva za pripremu modela tenderske dokumentacije i ponuda.

***Predmetnim Uputstvom o izmjenama Uputstva za pripremu modela tenderske dokumentacije i ponuda propisuje kako slijedi:***

**Član 2.**  
**(Izmjena izjava)**

*(1) U Izjavi o ispunjenosti uslova iz člana 47. St. (1) tačkaka od a) do d) i (4) Zakona o javnim nabavkama (“Službeni list BiH”, broj: 39/14), tekst “Potpis i pečat nadležnog tijela: mijenja se i glasi “**potpis i pečat ponuđača/kandidata**”.*

*(2) U Izjavi o ispunjenosti uslova iz člana 51. tačkaka c), d), i f) (Tehnička i profesionalna sposobnost u postupku nabavke radova) Zakona o javnim nabavkama (“Službeni list BiH”, broj: 39/14) tekst “Potpis i pečat nadležnog tijela” mijenja se i glasi “**potpis i pečat ponuđača/kandidata**”.*

Osim direktnog odstupanja od podzakonskih propisa, Ugovorni organ u pobijanoj tenderskoj dokumentaciji na ovaj način pred potencijalne ponuđače stavlja obavezu koja će rezultirati dodatnim troškovima i time ponudu učiniti višom/skupljom od predviđene.

Iz prethodno navedenih razloga, podnositelj žalbe smatra kako je tenderska dokumentacija za sanaciju i rekonstrukciju putnih komunikacija u Odjelima za iskorištavanje šuma u skladu sa GP gospodarenja šumama u 2022.godini **nezakonita**.

Prema članu 53. stav (1) ZJN ugovorni organ dužan je pripremiti tendersku dokumentaciju u skladu sa odredbama Zakona i podzakonskim aktima, a kako u konkretnom slučaju ugovorni organ formu Izjava iz člana 47. i 51. Zakona nije dao u formi koja je sastavni dio Uputstva o izmjenama Uputstva za pripremu modela TD i ponuda, već je istu svojevrijem izmijenilo na način da se izjava ovjeri potpisom ponuđača, istu sačinilo na način da se Izjava ovjerava kod nadležnog organa, što znači da forma Izjava iz člana 47. i 51. Zakona koje su date u prilogu tenderske dokumentacije su sačinjene suprotno formi Izjava koje su sastavni dio Uputstva o izmjenama Uputstva za pripremu modela TD i ponuda.

Ovaj stav zauzeo je i Ured za razmatranje žalbi u rješenju broj: JN2-03-07-1-2051-9/21 od 07.09.2021.godine, i u rješenju broj: JN2-02-07-1-356-6/21 od 18.03.2021.godine.“



Tel:+387 38 221 040;Fax +387 38 222 176  
E-mail: bpkshume@bih.net.ba  
Web : www.sumebpk.com



Oznaka odgovornog  
šumarstva  
FSC® C151475



JAVNO PREDUZEĆE  
"BOSANSKO-PODRINJSKE ŠUME"  
d.o.o. Goražde

ul.Ibrahima Popovića br.17. 73000 Goražde

Iz navedenog razloga žalilac ulaže žalbu na tendersku dokumentaciju, i od Ugovornog organa traži da se u skladu sa članom 110. ZJN, postupak javne nabavke obustavi, žalba usvoji, tenderska dokumentacija uredi u skladu sa zakonskim i podzakonskim propisima, te da Ugovorni organ nadoknadi troškove žalbenog postupka za sastav žalbe.

Nadalje, žalilac u žalbi navodi da ukoliko Ugovorni organ ne usvoji ovu žalbu predlažemo da istu u roku dostavi na razmatranje Uredu za razmatranje žalbi, pa predlažemo da Ured za razmatranje žalbi nakon zaprimanja žalbe istu usvoji, naloži Ugovornom organu da uredi tendersku dokumentaciju u skladu sa žalbenim navodima, predmet vrati na ponovni postupak te obaveže Ugovorni organ za naknadu troškova žalbenog postupka za sastav žalbe, te naloži Ministarstvu finansija i trezora Bosne i Hercegovine da žaliocu izvrši povrat uplaćene naknade za vođenje žalbenog postupka.

Ugovorni organ smatra da su žalbeni navodi u dijelu koji se odnosi na Prilog 5. – Izjava o ispunjavanju uslova iz člana 47. Zakona o javnoj nabavci i na Prilog 6. – Izjavu o ispunjavanju uslova iz člana 51. Zakona o javnoj nabavci osnovani, te je postupajući u skladu sa odredbama člana 100. Zakona o javnim nabavkama BiH („Službeni list BiH“, broj: 39/14), donesena Odluka kao u dispozitivu.

Usvaja se zahtjev žalioca za naknadu troškova žalbenog postupka, koji se sastoje od troškova sastava žalbe, po punomoćniku Željku Višiću, advokatu iz Banja Luke, u iznosu od 658,12 KM. Navedeno je u skladu sa članom 105. Zakona o upravnom postupku BiH, kojim se priznaju troškovi koji se sastoje od troškova sastava žalbe po advokatu u iznosu od 450,00 KM, paušal od 25% na iznos 450,00 KM, PDV 17% u iznosu od 95,62 KM, što je ukupno 658,12 KM, dok je u preostalome iznosu postavljeni zahtjev žalioca odbijen kao neosnovan. Navedeni troškovi će biti uplaćeni po pravosnažnosti ove Odluke.

O visini troškova odlučeno je primjenjujući tarifni broj 3.Tarife o nagradama i naknadi troškova za rad advokata u RS-u, koji propisuje nagradu u neprocjenljivim predmetima u upravnom postupku, sastav žalbe u upravnom postupku, 150 bodova uvećano za 50 % pravnog lijeka i paušal u skladu sa tarifnim brojem 12. ATRS.

Navedeno je odlučeno u skladu sa stavom Suda BiH iznesenim u presudi broj: SL 3 U 023495 16 U od 16.03.2018.godine i potvrđeno u presudi Apelacijskog upravnog vijeća Suda BiH broj: S1 3 U 023495 18 Uvp i broj: S1 3 U 028982 19 Uvp.

*Pouka o pravnom lijeku:*

*Protiv ove Odluke se može izjaviti žalba Uredu za razmatranje žalbi (URŽ), putem Ugovornog organa u roku od 5 (pet) dana od dana prijeme Odluke.*

DIREKTOR  
Mirza Pjano, dipl.ing.šum.s.r.

Dostavljeno:

1. Advokat Željko Višić
2. U spis
3. a/a



Tel:+387 38 221 040;Fax +387 38 222 176  
E-mail: bpkshume@bih.net.ba  
Web : www.sumebpk.com



Oznaka odgovornog  
šumarstva  
FSC® C151475